

CIMELIA

Qu

5075

*Simenides G.*

5075






5075

CIMELIA





II. d. III.







5. in manus. 1274.

3 flor.

1894. XII. 62.

# PHILÆNARÆ

SIMONIS SIMONIDAE

AD

ADAMVI HIERONYMVV  
SIENIAVIVV.



SAMOSCI  
ANNO DOMINI M. DC.



*Pocyna 5277-2*



PHILLIPPAE

ST. MONIS SIMONIS

AD

ADAM M. HILTON

ST. MONIS

Com. Bu. 5075



ST. MONIS

AND DONOR M. D.

1875



# PHILÆNARÆ

SIMONIS SIMONIDAE

A D

ADAMVM HIERONYVM

SIENIAVVM.

**S**IENTIAVI, quando famate pulcherrima  
Per ora mittit, fortia audacem aggredi  
Facta, euolat mē gaudijs illustribus  
Cor, ad tuum sublime se iactans decus,  
Prægestiensq; cū receptum gloriæ  
Lætis quadrigis te ad Iouis solium veham,  
Ponamq; diuos inter Heroas, nouum  
Sydus, salutem patriæ sanctissimam  
Qui habuere, nec vitæ pro ea, nec parci opum.  
Qualis viget laus ampla maiorum tuum,  
Nulla inquinata labe conatus terri.  
Vestigijs quorum pedem tu collocas,  
Zamosciæ virtutis aptus nunc comes.  
Olim leonem splendidis venatibus  
Per uasta tesqua feruido intentum impete,  
Nati minores vt sequuntur, & nouum  
Vnguem minantur sanguine alto tingere,

A ij

Siue



Sine offerat se vis apri, seu luca bos.  
Sic patriæ hunc patrem, sacrum cœlo caput,  
Dum iusta contra hostis furorem barbari  
Incendit ira, & vindicem excitat manum,  
Flos acriorum consequi gaudet virtum.  
Quos inter, haud ulli secundas tu dabis,  
Visendus in certamine asper Martio,  
Magni periculi iam capax pectus gerens,  
Dextramq; mox hostis calenti sanguine  
Sparsurus. At tanto magistro dum capis  
Magnum rudimentum inclyti tyrocini,  
Jouis velut diæ alitis soboles minor,  
Nido expedita nuper ala se efferens,  
Ne muneris duntaxat hoc puta tui,  
Quâ perduellum stat globus densissimus  
Fre igneum, & latè cadaverum dare  
Stragem. sed arcem in editam mentis bonæ  
Te profer, & defige visus liberos,  
Quævis iste vir sese artibus cœlo inferat,  
Quantum recondat corde veri roboris,  
Inuictus erga omnes procellas temporum,  
Rectum tenere ubiq; clauum pertinax,  
Virtutis à cursu, neque inuidiæ, neque  
Ingratitudinis repulsus turbine,  
Honore nil Regis sui, nil patriæ  
Integritate cogitans felicius,  
Illisq; vitam, illis salutem deuouens.

Sieniaui,



Si eniaui, tu quidem venustum ver modo  
Ætatis instas, non tamen maturitas  
Senum tibi est aduersa, non pectus sagax.  
Sentisne? quanta rem Polonam nunc premant  
Discrimina, & vacuum latus circumtonent,  
Simusq; vel vilissimis contemptui?  
Omnes veterno perfruamur interim,  
Vel negligentes, vel ruinæ nescij,  
Aut vana voluentes spei molimina,  
Orbemq; verti pristina optantes rei.  
Vel cum si quos tangit, & sensus mali,  
Plerosq; cernas destitutos virium,  
Pauore anbelos, impotes rerum & sui,  
Ceruice pessimum receptantes iugum.  
Nox atra quando nauitas pressos mari,  
Gelūq; congestisq; tempestatibus  
Oppressit, vsūq; omnem ademit remigj,  
Hærent remissas languidi incassum manus,  
Tumidoq; præstolantur hauriri æquore.  
Ast aureæ lucis parens, sol optimus,  
Simul serenum protulit cælo iubar,  
Tenebrasq; turbidumq; composuit mare,  
In corda pristinus remeat ollis vigor,  
Ventisq; vela pandere, & remis aquas  
Versare gaudent, & labore strenuo  
Tandem cupitis aduebuntur portibus.  
Si eniaui, cum nos tanta nox super tegat,



Fluctuq; seuo hinc vortices vorent & hinc.  
Dicamne solis instar hunc nobis virum  
Fulgere ē qui mentes reiectas suscitet,  
Qui demat oculis improbam caliginem,  
Qui nudet artes, nocte pessima satas,  
Manientum ciuium heu artes malas,  
Qui reddat animos, qui reducat spem bonam,  
Ducemq; se orsis præbeat pulcherrimis.  
Qualem modò dat, arma contrà perfidi  
Prædonis, infessoris, insultum aduocans.  
Periurijs qui nixus insolentibus,  
Fædauit heu dios propinquos Principes,  
Bellis nefandis, institutis impiè.  
Non purpuræ, non fœderis sacri memor,  
Non hospitalis iuris, aut dextræ datæ,  
Regnisq; nostris inbiat impudens lupo,  
Rapto proteruus, præda opima ganniens.  
Hæc audiet portenta sæclum posterum?  
Fuisse ciues (heu Polonam olim fidem  
Nulla respersam labis impuræ nota,  
Regumq; patriæq; seruantissimam)  
Qui fraudulentæ obnoxij viciniæ,  
Auro redempti, vel magis quod despuas,  
Suamq; prolem, seq; remq; publicam,  
Frent profanis traditum latronibus.  
Atqui, nec illos sanioris ingenij  
Esse autumo, sermonibus qui perstrepunt.

Nil



Nil attinere perditam Valachiam,  
Nec interesse illam Poloniæ adijci.  
Quæ limes olim & murus vnicus fuit,  
Nunc Marte nostro constitutus denuo,  
Ferroq; partum, serua ne Scythis foret.  
Exposita nunc prædonis ad lubricum,  
Impune (pro pudor) palam regnabitur?  
Non hoc auo viuente permissum tuo est.  
Exerciti dum floruit Dux optimus,  
Asserta cui se debuit Valachia.  
Vt cumq; vâsanibat Othmanus fremens,  
Parereq; illam mancipi instabat suo.  
Auius tuus vetabat armis fortibus,  
Eumq; rectorem Vlachis victor dabat,  
Quem Rex Polonus more iusserat bono.  
Hoc factitarat antea virtus quoque  
Tarnouij. hoc Rex ipse, quo nil mitius  
Nil pace blanda & otio inclitum magis,  
Augustus, attento cauebat pectore,  
Curamq; traditæ sibi à maioribus  
Prouinciæ nunquam remittebat sciens.  
Seu vindicare armis necesse illam foret,  
Haud segnis infesto expetebat milite.  
Nunc semper habita, negligetur scilicet,  
Aut deseretur nostra, per socordiam.  
Mentisne læsæ vel supinæ. hoc censeam?  
Quasi ista pestis fine consistat suo,



Nec scēuiores sumat ex scelere animos.  
Præut nefandis venditat iactantijs,  
Præutq; fracta Dacia exemplum dedit.  
At vos, quibus stat corde non molliſſimo,  
Erga Polonam rem tenacior fides,  
Ite ô saluti nata pectora patriæ,  
Opprobriumq; æui pudendum tollite.  
Ne ſimius, ſiue æmulum iſte ſe magis  
Optat cieri, perperam inſultauerit.  
Oite factis audiendi illuſtribus.  
Jam iam pauore barbaras matres quati,  
Ripamq; trans Iſtri volare acres metus,  
Ipſumq; turpem, informe monſtrum ſæculi,  
Orbis tyrannum, contuor pallescere.  
Vexare quem, tantine ſcilicet precj  
Fuerit, tot annis, tot duellis fortibus?  
Vt prædo tandem Daciæ regem bonum,  
O Roma, regem purpura inſignem tua,  
Prædo profano mancipatus ſchiſmati,  
Mactaret, & regnis auitis pelleret,  
Diui genus (prô atrox nefas) Bathorrei.  
Grassatus inde liberum in viciniam,  
Vix Turcico paulum reſpirantem ex iago,  
Seſe tyrannum innoxijſ imponeret.  
Quod Turca ritè alto cachino habeat ratum.  
Vexilla cuius, cuius aureum decus,  
Iſte iſte nuper Chriſtianus Hercules,

Oſten-



Ostentat, atque agnoscit, & iactat volens,  
Fecisse fucum lætus, arte perfida.  
Sed ite vos, benigniore numine,  
Opprobriumq; æui pudendum tollite,  
Causaq; consultisq; fulti candidis,  
Læsos iuuare strenui, non lædere.  
Jam læta vos felicibus victoria  
Acceptat vlnis, & mouet non futile  
Exordium rebus gerendis postmodo.  
Quà Nilus arua gurgite alto diuidit,  
Quà Tanais horrentes gelu terras secat,  
Septemtrionum alumnus iste dissitus,  
Currus propinquos ille solis contuens,  
Victricis hæc Poloniae stet terminus.  
Aperta ferro qualibet patet via,  
Si Marte iusto fulminent acres viri,  
Ceptumq; persequantur immoti decus.  
Sed me voluptas te alloquendi dum rapit  
Sieniaui, quò aurem muniam magis tuam,  
Contra maligna dicta patriæ hostium,  
(Quí namq; non numero hostium istos deputem,  
Qui proferendos patriæ fines vetant)  
Fratres Philænos attigisse me iuuat  
Dulci Camæna, & laude ferre debita.  
Fratres Philænos, inclytæ Carthaginis  
Prolem beatam, patriæ summum decus,  
Diuosq; penè terminales præfides.



Quos grata dignaretur olim patria  
Arisq; diuinisq; ritè honoribus.  
Cartago te regnare par meritò fuit,  
Tam commodæ sobolis creatricem optimam.  
Te ferre postremas Cyrene ignauior.  
Infecta cum vos litibus contentio  
Versaret, offensas regundis finibus,  
Nec certus oram limes interiungeret,  
Cædesq; miscerentur inde & iurgia,  
Iniuriarum nec fieret ullus modus.  
Condicta tandem pactio modum dedit.  
Vtrinq; lecti ad præstitutam horam & diem,  
Celeripedes excurrerent daumuiuri.  
Et quisquis excepisset obuios locus,  
Hic limes esset, nec gradum ultra tolleret.  
Finitres Philæni, leta Carthago suum  
Vestros reiecit in sinus negotium.  
Nec vos inertes iussa patriæ exequi,  
Tantaq; cum cura excucurristis domo,  
Tantisq; metam protulistis passibus,  
Morum suorum detrimento ut maximo  
Lueret Cyrene, nec tamen pacto statim  
Parebat, aut sinebat admissum pati.  
Quin vsq; tricabantur obstantes viri,  
Remq; expeditam fraude dictabant mala.  
Jam iamq; vtrinq; tota sese effuderat  
Hinc ciuitas & hinc, & arma de integro

Ple-



6  
Plebes mouebat, rixa donec assensu  
Nouis dirempta pactiōibus stetit.  
Vestrum volutis pactiōibus in caput.  
Quæ vos sacrarunt cælo, & olim sæculis  
Exemplar illustre ediderunt omnibus,  
Amoris excellentis erga patriam.  
Quippe optionem depoposcit insuper  
Talem Cyrene, si dolo vafro sine  
Peracta constitisset illa cursio.  
Vel denuò fieret periculum illius.  
Vel quâ suprema meta fixisset pedem,  
Carthaginenses hac suos duumuiros,  
Viuos, videntes, dederent mandari humo.  
Vel si Cyrenibus facultatem parem  
Quâ prodeūdicunq; vellent, linq̃uerent.  
Hac obruendos dederent ipsi quoq;  
Concordiæq; finis æterna hæc foret.  
Nec mutitatum est amplius verbum vnicum.  
Quum læta vos, fratres Philæni corpora  
Donastis vltro, nec petenti patriæ.  
Illoq; cui hæc sistis innixi solo,  
Se termini passi estis obrui vicem.  
Hinc grata vobis patria illo met loco,  
Arasq;, solennesq; ritus, condidit,  
Lateq; toto nomen orbe diditum est,  
Nostroq; sæclo floret vsq; gloria.  
Fratres Philæni, vos ego, vos carmine



Meo vocabo sepe diuos præsides,  
Arasq; vestras flore conspergam nouo.  
Nec augurj mendacis autor audiam.  
Fœcunda vt acribus viris Polonia est,  
Sicorda ciuium suorum talia  
Producat, haud magni negotj rem fore,  
Quin finibus se proferat latissimis,  
Nili fluent a propter, & Tanaim tenus.





